

إنت أنا

شفتك أكيد قبل كدا..

بس إمتى ولا فين !

إتقابلنا صدفة يومها

حسّيت كإنى عارفة قلبك من سنين

دعيت تكمل .. تبقى جنبى

رد قلبي أوام ساعتها وقال آمين

حكالي عنك وقال لي إنك.... حاجة حلوة

أيوه إنت زي غنوة

أسمعها ف الأحزان تروح

وقلبي بالأسرار يبوح

إنت روح وساكنة فيّا

حاجة حلوة جوه منّى

تحلى في الدنيا لعنيا

حد واحد لخص الدنيا في وجوده
قشاية واتعلقت بيها ..
لقيتها مربوطة ف أيديا
مبقتش فارقة إنت مين
يمكن تكون في امبارح الذكرى
شمس الشروق بكرة
إنت الوطن وإنت إحساس الحنين
إنت اللي جاي من السنين
صورتي عكساها العينين
إتلاقينا توهنا دوبنا ف بعضنا
وبقينا فجأة حاجة واحدة
مش عارفة أفرق.... هي إنت ولا أنا
تدوم هدية من هدايا ربنا
..تدوم أنا